



Inatsisartunut ilaasortaq Otto Jeremiassen, Siumut

§ 36, imm. 1-imut akissut Qaqortumi politeeqarfik sullivinni avatangiisit pillugit inatsisinut naleqqukkunnaartoq pillugu

Asasara Otto Jeremiassen.

Inatsisartut Suleriaasianni § 36, imm. 1 naapertorlugu Naalakkersut qinnuigaatit nalunaarutigeqqullugu sulinermi pissutsit akuerinarsarniarlugit qallunaat inatsisinik atortitsinnermut ministeriata oqaloqatigineqarnissaa sulissutigineqalersimanersoq taamaappallu suliniutit suut ingerlanneqarnersut.

Ilinnut nalunaarutigisinnaavara uanga pisorta qarfimmalu atorfilittai nunatsinni eqqartuussiveqarneq pillugu inatsisinik atortitsinnermik ministeri ministereqarfillu ukiup ingerlanerani ataavartumik oqaloqatigisarsimagatsigu.

Ilaqtariinnermut Inatsisinillu Atortitsinnermut Naalakkersuisutut uanga 2006-imi aasaanerani qallunaat inatsisinik atortitsinnermut ministeriat marloriarlunga ataatsimeeqatigisarsimavara. Ataatsimiittarnerni taakkunani Kalaallit Nunaanni eqqartuussiveqarneq tamarmiusoq pillugu sammisassat arlallit oqaloqatigiisutigisarsimavavut. Kalaallit Nunaanni eqqartuussiveqarnerup killiffia pillugu ilisimatitsissuteqarpunga tassungalu ilanngullugu illuutit aserfallassimasut naammaginnanngitsullu tamanut tunngatillugu ajornartorsiutaanerani maluginiaqqusimallugu.

Inatsisinik atortitsinnermut ministerimut erseqqissaatigaara Kalaallit Nunaanni Eqqartuussiveqarnermut Kommissionip Isumaliutissiissutaa tamarmiusoq Inatsisartut tamarmiusut tapersersornartikkaat. Imaappoq Inatsisartuni isumaqatigineqartoq Kalaallit Nunaanni eqqartuussiveqarnermi susassaarfik tamarmiusoq ullutsinnut naleqquttunngortinneqassasoq kommissionip innersuussutitut siunnersuutigisai tunngavigalugit. Tamanna pissaaq nunatsinni eqqartuussiveqarnerup qallunaat naalagaaffiata pisussaaffiitut akisussaaffiinnullu suli inissisimagallanerani.

Kalaallit Nunaanni Eqqartuussiveqarneq qallunaat pisussaaffeqarfiisa akisussaaffiisalu suli iluaniimmat, ilanngullugit politeeqarnermut tunngasut, apeqquteqaatigisat tunngavilersorlugu Inatsisinik atortitsinnermut ministerimut ilisimatitsissutitut ingerlateqqippaa apeqquteqaatigisanni ajornartorsiutit taakkartukatiit oqaaseqaateqarfigeqquutigalugit.

15.12.2006
J.nr.

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

Akissut tiguneqarpat Inatsisartunut ingerlatinneqassaaq.

Piffissaq manna iluatsillugu eqqartuussiveqarnermut tunngasunut soqutiginninnerit pillugu qujassuteqarfigiumavakkit isumaqarama taakkartukkatit naleqquttuusut ajunngilluinnartuusullu.

Naggataagut oqaatigisinnaavara tullianik qallunaat inatsisinik atortitsinermut ministeriat ataatsimeeqatigilerukku piffissaq iluatsillugu apeqqutigisatit eqqaasitsisutiginiaipakka.

Inussiarnersumik inuulluaqqusillunga

Aleqa Hammond

Ilaqutariinnermut Inatsisinillu Atortitsinermut Naalakkersuisoq